

禮部
朝會

卷
二百九
十四

欽定大清會典事例卷二百九十四

禮部

朝會

禮節一

禮節○

太上皇帝三大節行慶賀禮。是日早。鑾儀衛豫陳

法駕鹵簿於

太和殿前。陳步輦於

太和門外。陳五輅於

午門外。陳馴象於五輅之南。陳仗馬於丹墀中道

之左右。俱東西相嚮。樂部和聲署設中和韶樂

於

太和殿檐下兩旁。設丹陛大樂於

太和門內兩旁。俱北嚮。鑾儀衛官設

皇帝拜褥於

太和殿檻內正中。禮部鴻臚寺官豫設表案於

太和殿內東旁。禮部儀制司官奉王以下文武各
官所進慶賀

太上皇帝表文。安設案上。鴻臚寺官引和碩親王以下
入八分公以上在丹陛上。文武各官在丹墀內。
咸朝服。各照品級按翼排立。外國使臣等立於

西班牙百官之末。禮部堂官先行奏請

皇帝御禮服。於

保和殿暖閣祇候。屆時。禮部堂官奏請

太上皇帝具禮服。乘輿出宮。

午門鳴鐘鼓。禮部堂官前引。至

太和殿後降輿。

太上皇帝御太和殿。中和韶樂作。

奏乾平之章。萬萬壽聖節

元平之章。冬至奏遂平之章。

太上皇帝升座。樂止。

皇帝在殿內西嚮祇候。鑾儀衛官贊鳴鞭。階下三鳴

鞭。鳴贊。官贊排班。丹陛大樂作。奏慶平之章。

皇帝就拜褥後立。鴻臚寺官引王以下文武各官暨外國使臣等排班立。鳴贊。官贊進。

皇帝進至拜褥上立。王以下各官暨外國使臣等皆進立。贊跪。

皇帝跪。王以下各官暨外國使臣等皆跪。贊叩興。

皇帝率王以下各官暨外國使臣等俱行三跪九叩禮。贊退。

皇帝仍至原位立。王以下各官暨外國使臣等皆退。復原班立。樂止。鑾儀衛官贊鳴鞭。階下三鳴鞭。

禮部堂官奏禮成中和韶樂作。

萬萬壽聖節奏泰平之

章元旦奏和平之章冬至奏允平之章

太上皇帝起座乘輿還宮樂止禮部堂官奏請

皇帝御太和殿王公百官進表行慶賀禮。

如恭遇太上

皇帝萬萬壽聖節朝賀還宮。

皇帝亦隨還宮王以下各官皆退。

太上皇帝還宮後內監奏請

御內殿升座。

內庭主位具禮服行六肅三跪三拜禮禮成。

太上皇帝起座。

內庭主位各還宮。

王公百官行禮儀同。皇帝萬壽聖節率

○若值

圓明園朝賀。是日早。鑾儀衛陳

法駕鹵簿。樂部和聲署設樂懸。鑾儀衛設

皇帝拜褥於

正大光明殿內正中。

皇子王以下各官咸蟒袍補服。鴻臚寺官引

皇子和碩親王以下文職三品武職二品以上官
員。在

正大光明殿階下兩旁按次排立。文職四品武職
三品以下各官俱在

出入賢良門外按照品級排立。禮部堂官奏請

皇帝御龍袍袞服。先詣

正大光明殿內祇俟。屆時。禮部堂官奏請

太上皇帝御正大光明殿中和韶樂作。

樂章俱同前。

太上皇帝升座。樂止。鑾儀衛官贊鳴鞭。階下三鳴鞭。鳴

贊官贊排班。丹陛大樂作。

皇帝就拜褥後立。鴻臚寺官引

皇子王以下文武各官排班立。鳴贊官贊進。

皇帝進至拜褥上立。

皇子王以下各官皆進就拜位北嚮立。贊跪。

皇帝跪。

皇子王以下各官皆跪。贊叩興。

皇帝率

皇子王以下各官俱行三跪九叩禮。贊退。

皇帝仍退至原位立。

皇子王以下各官皆退復原班立。樂止。鑾儀衛官

贊鳴鞭。階下三鳴鞭。禮部堂官奏禮成。中和韶

樂作。

太上皇帝起座還宮。樂止。禮部堂官奏請

皇帝御正大光明殿。

皇子王以下各官行慶賀禮。

太上皇帝還宮後。內監奏請

御內殿升座。

內庭主位行禮如儀。○若值

聖駕駐蹕熱河朝賀。是日早。鑾儀衛豫陳

法駕鹵簿於

澹泊敬誠殿前。設中和韶樂於

澹泊敬誠殿檐下兩旁。設丹陛大樂於

二宮門內兩旁亭內。俱北嚮。設

皇帝拜褥於

澹泊敬誠殿內正中。扈從之和碩親王以下文武

官員及蒙古王貝勒貝子公台吉等俱蟒袍補服咸集。鴻臚寺官引和碩親王以下三品官員以上及蒙古王貝勒貝子公三品以上台吉等至。

澹泊敬誠殿階下兩旁按次排立。四品以下各官台吉等俱在。

二宮門外按照品級排立。禮部堂官奏請

皇帝具龍袍袞服。先詣

澹泊敬誠殿內祇俟。屆時禮部堂官奏請

太上皇帝御龍袍袞服。

升澹泊敬誠殿寶座。中和韶樂作。

太上皇帝升座。樂止。鑾儀衛官贊鳴鞭。階下三鳴鞭。鳴贊官贊排班。丹陛大樂作。

皇帝至拜褥後立。鴻臚寺官引王以下文武各官排班立。鳴贊官贊進。

皇帝進至拜褥上立。王以下各官皆進就拜位北嚮立。贊跪。

皇帝跪。王以下各官皆跪。贊叩興。

皇帝率王以下各官俱行三跪九叩禮。贊退。

皇帝仍至原位立。王以下各官皆退復原班立。樂止。

鑾儀衛官贊鳴鞭。階下三鳴鞭。禮部堂官奏禮成。中和韶樂作。

太上皇帝起座還宮。樂止。禮部堂官奏請

皇帝御澹泊敬誠殿。王以下文武百官行慶賀禮。

太上皇帝還宮後。內監奏請

御內殿升座。

內庭主位行禮如儀。

皇太后宮三大節朝賀。是日早。鑾儀衛設

皇太后儀駕於

慈寧門外至

長信門外。掌儀司內監設中和韶樂於

慈寧宮檐下。設丹陛大樂於

長慶門內。俱北嚮。王以下各官俱朝服。鴻臚寺官引和碩親王以下。入八分公以上。於

隆宗門外。按翼祇俟。其未入八分宗室公鎮國將軍內大臣侍衛公侯伯大學士尚書都統子侍郎副都統內閣學士男以上。於

長信門外。按翼祇俟。三品以下文武各官。並外國陪臣。在

午門外。按翼祇俟。禮部鴻臚寺官豫設進表黃案

一於

慈寧門東門檻外南嚮。內閣學士恭奉

皇帝慶賀

皇太后表文。安於表匣內。自內閣奉出。內閣官前導。大學士隨行。由

熙和門中門出。至

永康左門外。大學士接奉表匣。禮部堂官二員前引。進至

慈寧門升東階。恭奉表匣。安於黃案上。退。禮部堂官轉傳內監舉表案。宮殿監侍二員前引。由東門

入升東階進

慈寧宮東隔扇安表案於

慈寧宮寶座東旁西嚮

其王公百官慶賀表文

執事官

豫設

皇帝拜褥於

慈寧門檻外正中禮部堂官奏請

皇帝詣

皇太后宮行禮

皇帝具禮服乘輿出宮

導從如常儀

禮部堂官前引由

隆宗門出至

永康左門降輿。王以下入八分公以上俱隨後行。
至

慈寧門。禮部堂官引

皇帝由東階升。至門左西嚮立。

起居注官四員在

慈寧門外西階下立。東面。王以下。公以上。在階下兩

旁立。前引十大臣及侍衛等。在儀駕末兩旁立。

禮部堂官轉傳內監奏請

皇太后升慈寧宮寶座。

皇太后具禮服出內宮。中和韶樂作。奏豫平之章。